

# Ժողովուրդ

161  
(2641)

10 նոյեմբերի հինգշաբթի 2022  
տպագրության ԺԱ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com


100 դրամ

## ՆԻԿՈՒ ՓԱՇԻՆՅԱՆԸ ԽԱՔԵԼ Է. ՄԱՍ 131




Հայաստանի ԱԺ աշխատակազմը որոշել է անվտանգության լրացուցիչ միջոցառումներ ձեռնարկել Ազգային ժողովի շենքի համար, եւ այդ նպատակով ԱԺ դարպասները Նորից զոդում են եւ պարիսպների երկայնքով փշալար անցկացնում: Այս մասին հայտնել է ԱԺ նախագահի մամուլի քարտուղար Ծովինար Խաչատրյանը: Այս ամենը եւս մեկ անգամ ապացուցում է, որ ՀՀ վարչապետ Նիկոլ Փաշինյանի խոստումները տարիներ հետո իրականություն չեն դառնում: Կհիշե՞ք՝ 2018 թվականի թավշյա հեղափոխությունից անմիջապես հետո Նիկոլ Փաշինյանը հայտարարեց, որ ՀՀ հպարտ քաղաքացիների համար այսուհետ Հայաստանում փակ դռներ չպետք է լինեն, եւ նրանք կարող են խփել բացել անգամ կառավարության դուռն ու ներս մտնել, որովհետեւ ժողովուրդն է եկել իշխանության: «Պետք է բացենք Ազգային ժողովի դռները ՀՀ քաղաքացիների առաջ: Երբ մենք բացում էինք փակ դռները, մեզ ասում էին՝ ինչո՞ւ եք դա անում. մենք ասում էինք՝ Հայաստանի Հանրապետությունում Հայաստանի քաղաքացիների առաջ փակ դռներ չեն կարող լինել, եւ Հայաստանի քաղաքացիների առաջ փակ դռներ չեն լինելու», - ասել էր Նիկոլ Փաշինյանը: Եվ իսկապես այդ նույն օրերին բացվեցին նաեւ Բաղրամյան 26-ի դռները, ու մարդիկ սկսեցին զբոսնել նախագահական նստավայրի տարածքում, սկսեցին մտնել խորհրդարանի բակ, սակայն այդ ամենը տեւեց ընդամենը մոտ տասը ամիս: Արդեն 2019 թվականի օգոստոս ամսին Ամուլսարի հանքի շահագործման դեմ պայքարողները որոշել էին ակցիա անել խորհրդարանի մոտ, այդ օրը նրանք թույլ չտվեցին մտնել ԱԺ բակ, եւ արդեն պարզվեց, որ ԱԺ դարպասները փակ են: ԱԺ դարպասները հետագայում կոնկրետ ժամերով էին բացում, ապա միանգամից փակվեց, խստացվեց անգամ լրագրողների մուտքը, իսկ հիմա պարզվում է, որ լրացուցիչ անվտանգության աշխատանքներ են կատարվում: Այսինքն՝ ՀՀ վարչապետ Նիկոլ Փաշինյանը, այն ժամանակ խոսելով ժողովրդավարության մասին, հերթական անգամ խաբել է ՀՀ հպարտ եւ արժանապատիվ քաղաքացիներին:

Արդեն մեկ ամսից ավելի է, ինչ ՀՀ արդարադատության նախարարությունը ղեկավար չունի: Նախկին նախարար Կարեն Անդրեասյանը հրաժարական տվեց հոկտեմբերի 5-ին, ապա Ազգային ժողովի կողմից ընտրվեց Բարձրագույն դատական խորհրդի անդամ, հետո՝ նախագահ: Այդ օրվա-նից մինչեւ հիմա նախարարությունը ղեկավարվում է պաշտոնակատար Գրիգոր Մինասյանի կողմից: Սկզբնական շրջանում տեղեկություններ էին տարածվել, թե՛ հենց Գրիգոր Մինասյանն էլ կնշանակվի նախարար, սակայն «Ժողովուրդ» օրաթերթը տեղեկացավ, որ, կարծես թե, «Քաղաքացիական պայմանագիր» կուսակցության ներսում իրավիճակ է փոխվել, եւ ղեկավար կազմի թվում կա հատված, որն այնքան էլ կողմ չէ, որ Գրիգոր Մինասյանը կնշանակվի արդարադատության նախարարի պաշտոնում՝ նրան համարելով նախկինների հետ կապ ունեցող: Մի մասն էլ հակված է ՀՀ ԱԺ պետաիրավական հարցերով հանձնաժողովի նախագահ Վլադիմիր Վարդանյանին տեսնել այդ պաշտոնում: Կուսակցության ներսում այս հարցում այլակարծություն եւ տարբեր տրամադրություններ կան. մի մասը փորձում է համոզել, որ Մինասյանն է լավագույն թեկնածուն, մի մասն էլ թե՛ Վարդանյանը: Ի վերջո, ինչպես կավարտվեն քննարկումները, եւ ինչ որոշում կկայացվի, դեռ վաղ է ասել, սակայն փաստ է՝ նախկին նախարարի հրաժարականից մինչեւ այժմ նոր նշանակում այդպես էլ չի կատարվել Նիկոլ Փաշինյանի կողմից:



«Ժողովուրդ» օրաթերթի տեղեկությունների համաձայն՝ Արցախի պաշտպանության բանակի նախկին հրամանատար, գեներալ-լեյտենանտ Միքայել Արզումանյանի դեմ հարուցված քրեական վարույթով հարցաքննվել է Արցախի նախագահ Արայիկ Հարությունյանը: Ավելին՝ մեզ հասած լուրերի համաձայն՝ Արցախից Պաշտպանության բանակի գեներալներ են եկել Երևան ու հանդիպել ուժային կառույցների ղեկավարներին, քննարկել այն հարցը, որ Արզումանյանին պետք է բաց թողնել, արդար չէ, որ միայն նա է կալանքի տակ: Նշենք, որ քրեական վարույթով առերեսումների շարքը շարունակվում է: Նախաքննական մարմինը Արցախի պաշտպանական բանակի հրամանատարների եւ այլ անձանց է հրավիրում հարցաքննության, առերեսում ՊԲ նախկին հրամանատարի հետ: Նկատենք, որ սովորաբար առերեսումներ են իրականացվում այն ժամանակ, երբ քրեական վարույթով հակասություններ են առաջանում գործով անցնող անձանց ցուցմունքներում: Նկատենք, որ Արզումանյանը կալանավորվել էր սեպտեմբերի 1-ին եւ մինչ օրս գտնվում է կալանքի տակ: Ի դեպ, գրել էինք, որ մինչեւ նրան մեղադրանք առաջադրելը վկայի կարգավիճակով հարցաքննվել է նաեւ ԱԺ պատգամավոր, «Հայաստան» խմբակցության ղեկավար Սեյրան Օհանյանը:



«Ժողովուրդ» օրաթերթի տեղեկություններով՝ Ազգային ժողովի «Հայաստան» եւ «Պատիվ ունեն» խմբակցությունների պատգամավորները տեսական դադարից հետո որոշել են վերադառնալ խորհրդարան եւ բնականոն կերպով մասնակցել նոյեմբերի 15-ին մեկնարկվելիք հերթական նստաշրջանի աշխատանքներին: «Ժողովուրդ» օրաթերթը տեղեկացավ, որ ընդդիմադիր խմբակցությունները նման որոշում են կայացրել՝ հաշվի առնելով Հայաստանի եւ Արցախի առջեւ ծառայած խնդիրները, երբ իսկապես օրհասական վիճակ է ստեղծվել: Ընդդիմադիրները որոշել են վերադառնալ եւ պայքարել նաեւ այդպես՝ զուգահեռ շարունակելով նաեւ բողոքի ակցիաները: Նկատենք, որ վերջին նստաշրջանի ժամանակ «Պատիվ ունեն» խմբակցության պատգամավորներն արդեն մասնակցում էին նստաշրջանի աշխատանքներին քվեարկությունների տեսքով:



## ՔԱՂԱՔԱԿԱՆ

ԱՐԱԳՆԱՑՈՂ ԳՆԱԾ

# ԳՆԱՃԻ ՏԵՄՊԸ ՉԻ ՆՎԱԶՈՒՄ

2023 թվականի լուսավորական քաղաքացիական հարցազրույցի մեծ իմաստով նույն սրամաքանությունն ու կառավարչական ունի, ինչ նախորդ տարիների լուսավորական քաղաքացիական հարցազրույցի: Բնական է՝ թե՛ եկամուտների, թե՛ ծախսերի մասով ավելացում կա, սակայն գործազրույցի սրամաքանության, վարվող ճնշման, քաղաքացիական մտեցումների ու, առհասարակ, քաղաքացիական կառավարման իմաստով էական արժեքներ չկան. սեռական ճնշման Կառլեն Խաչատրյանին է: Ողջունելի է, ասում է, որ դաժանության ծախսերը մոտ 45 տոկոսով ավելի են նախատեսված, բայց դեմ է փաստեմք, որ այս ֆայլն ուսացած է:



Կենս է միայն կյանքի կոչվել: Ընդ որում նույն միտումն ունեցել ենք նաև նախորդ մի քանի տարիներին: «Իշխանությունը ավանդաբար թերակատարում է հատկապես կապիտալ ծախսերը, դրանով հանդերձ տարեցտարի ավելի շատ գումար է նախատեսում կապիտալ ծախսերի համար, ինչը, կարծում եմ, այդքան էլ ճիշտ չէ, ավելին՝ տնտեսական քաղաքականության տրամաբանության շրջանակներում դիտարկելիս էֆեկտիվ չի: Գլոբալ առումով այդ, կապիտալ ծախսերի ավելացումը կարևոր է զուտ ենթակառուցվածքների ավելացման, հետագա տնտեսական զարգացման պոտենցիալ ձեւավորելու իմաստով, բայց դրանք նախատեսվել են չկատարվելը շատ ավելի վատ հետեւանքների է հանգեցնում»,- ասում է Կառլեն Խաչատրյանը:

Ինչ վերաբերում է անդադար նկատվող գնաճին, ապա մեր գրուցակիցը նշում է, որ Հայաստանում դոլարը գնաճով արժեզրկվում է, դրանը՝ արժեզրկում, ու, մոտավոր հաշվարկներով, եթե Հայաստանում դոլարը միջինում 5-7 տոկոսով արժեզրկվեր, ոչ թե մոտ 20 տոկոսով արժեզրկվեր, ապա մեր երկրում գնաճը 10-ի փոխարեն 18.5-19 տոկոս կլիներ: Ու այդ ֆոնին պատկան գերատեսչությունների պնդումները, թե մեզ մոտ գնաճն այդքան էլ բարձր չէ, ըստ տնտեսագետի՝ ճիշտ չէ: Գնաճային գործոններն,

ասում է, բազմազան են. դրանք երբեմն պայմանավորված են ոչ տնտեսական, այլ, օրինակ, անվտանգային ու քաղաքական գործոններով, որոնք որոշակի ռիսկեր են առաջացնում, բիզնեսն էլ այդ ռիսկերի պայմաններում ավելի բարձր հավելված է պահանջում:

Անվտանգային, քաղաքական հարցերը, ասում է տնտեսագետը, թույլ չեն տալիս, որպեսզի բիզնեսներն ընդլայնեն ծավալներն ու արտադրական հզորությունները, ներկրման ծավալներն էլ ավելի մեծանան: Գնաճային գործոնները բազմազան են, դրանք պայմանավորված են ոչ թե տնտեսական, այլ անվտանգային գործոններով, քաղաքական անկայունությամբ, որոնք որոշակի ռիսկեր են բերում, բիզնեսն էլ այդ ռիսկերի պայմաններում ավելի բարձր հավելված է պահանջում:

ՄԵՎԿՎ ԿԱՐՊՈՒՑԱՆ

### ՄԱՎԱԳԱՆԻՆ՝ ՆՈՐ «ՄԱՐԱԿՈՎ»

Հայաստանի կառավարությունը մտադիր է փոփոխել Երեւան քաղաքի տեղական ինքնակառավարման մասին օրենքն ու ավագանու առաջին հայացքից աննշան, իրականում, սակայն, մահակի դեր կատարող լիազորությամբ օժտել: ArmLur.am-ը տեղեկացավ, որ խորհրդարանի «դեմոստրատիկ քաղաքացիական» նախագծերի փաթեթների շարքում է վերնոշյալ օրենքը, որ ենթադրում է Երեւանի ավագանու լիազորությունների վերջին կետը հետեւյալ կերպ խմբագրել: «Սահմանում է մշակութային գործունեության իրականացման նպատակով Երեւան քաղաքի հանրային բացօթյա վայրերի (փողոց, մայր, հրապարակ, այգի, պուրակ եւ այլն) օգտագործման պայմանները, պահանջներն եւ սահմանափակումները»: Այսինքն՝ եթե Երեւանի ավագանին փողոցում անցկացվող միջոցառումների կարգն էր միայն սահմանում, ապա այժմ կարող է այն կանոնակարգել ու, ըստ անհրաժեշտության, սահմանափակել այն: Նշենք, որ վերնոշյալ օրենքն այս տարի 2022-ին, մեկ անգամ արդեն իսկ փոփոխվել է: Օգոստոս ամսին այն խորհրդարանում քննարկվել ու ընդունվել էր հետեւյալ բովանդակությամբ: «Ավագանին սահմանում է Երեւան քաղաքի բացօթյա վայրերում (փողոց, մայր, հրապարակ, այգի, պուրակ եւ այլն) անհատների եւ խմբերի կողմից ստեղծագործական գործունեության (երկրային) իրականացման կարգը»: Այժմ, փաստորեն, կառավարության անդամները ցանկանում են արգելի մահակով օժտել Երեւանի ավագանու, որ ոչ ցանկալի միջոցառումների դեպքում օրենքի համապատասխան դրույթին հղում անեն ու մերժեն հայտատուի՝ բացօթյա միջոցառում անցկացնելու դիմումը:

### ՔԱՐԱԿԱՐԳՆԻՆ ԿԵՆՏՐՈՆՈՒՄ



Ազգային ժողովի մարդու իրավունքների պաշտպանության եւ հանրային հարցերով հանձնաժողովի նախագահ Թագուհի Թովմասյանը նոյեմբերի 8-ին խորհրդարանում հանրային քննարկում էր կազմակերպել Քաղաքացիական շրջանակի տեղահանված բնակիչների խնդիրների թեմայով, որին մասնակցում էին պատկան գերատեսչությունների ներկայացուցիչներ: Յենք Քաղաքացիական շրջանակի բնակիչներն էին դիմել պատգամավորին եւ ներկայացրել իրենց խնդիրները, եւ Թագուհի Թովմասյանը որոշել էր հնչեղություն տալ այդ հարցին: Քաղաքացիական ահազանգում են պետությունը նրանց 10 մլն դրամ է առաջարկում տուն գնելու համար, իսկ շուկայում այդ գնով տուն գնել չեն կարող: «Այսօր 18 000 քաղաքացիներ մնացել են անօթեան: Հարցն այն է, որ դեռ այն ժամանակ 1990-ականներին, միջազգային կառույցներում տեղակալ չէին, որ Քաղաքացիական վերաբնակեցվում է: Ըստ էության, մենք այսօր շատ խոցելի վիճակում ենք, քանի որ ստացվում է, որ տեղի է ունեցել ապօրինի վերաբնակեցում, որի նպատակն էր փողոցի լվացումը»,- ասաց քննարկման մասնակիցներից մեկը: Նրա խոսքով՝ ՀՀ շախմատների եւ սոցիալական հարցերի նախարարությունն առաջարկում է սահմանափակ գոտում բնակեցնել քաղաքացիներին: Սակայն, ըստ տղամարդու, «ծակ գրպանով» քաղաքացին ինչ է անելու սահմանափակ գոտիում. ոչ գույք ունի, ոչ էլ ինչ-որ գործ ձեռնարկելու միջոցներ:

ՔՆՆԱՐԿՈՒՄ

# ՀԱՅԱՍՏԱՆԻ ԽՆԴԻՐՆԵՐԸ՝ 2 ՏԱՐԻ ԱՆՑ

Ամեն գնով խաղաղության գնացող իշխանությունը լեզվափոխվում է ամեն գնով իշխանափոխությունը. այս մասին նոյեմբերի 9-ին կայացած ֆինանսական ժամանակ ասաց «Հայաստան» խմբակցության ղեկավարը, ՀՀ-ի անդամ Արմեն Ռուստամյանը:

Նա նկատեց, որ իշխանությունը միավորվելու կոչ է անում, որպեսզի միասին հանձնվեն թշնամուն այն դեպքում, երբ Ադրբեյջանի եւ Թուրքիայի նպատակն է Հայաստանը ոչնչացնելը:

Ներկայիս ստատուս քվոյի պայմաններում չի կարող փաստաթուղթ ստորագրվել, որը բարենպաստ կլիներ Հայաստանի համար: Ռուստամյանը հիշեցրեց, որ Ռուսաստանի թուլացման պատճառով, որը բխավել է աշխարհի քարտեզի վրա իր ներկայությունն ամրապնդելու էքզիստենցիալ խնդրի հետ, ռազմաքաղաքական հավասարակշռությունը խախտվել է՝ հոգուտ Հայաստանի հակառակորդների, ուստի ակնմաստ է սպասել Հայաստանի համար օգտակար մի բանի:

«Խոսվում է այն մասին, որ փաստաթուղթը կարող է ստորագրվել մինչև տարեվերջ,

բայց այդ ընթացքում ռազմաքաղաքական իրավիճակը չի փոխվի, Իսկ Հայաստանը կարող է բախվել անդառնալի հետեւանքների: Ուստի պետք է աշխատել այն երկրների հետ, որոնց համար Հայաստանի գիջումները նույնպես կենսական նշանակություն ունեն: Իրանը գիտի, որ դա իր համար «կարմիր գիծ» է, եւ ամեն գնով կպաշտպանի այն»,- ասաց պատգամավորը:

Նրա գնահատմամբ՝ հանրության զգալի մասն ընդունել է այն թեզը, որ Ղարաբաղը հանձնելով՝ հանգիստ կապրենք: «Կապիտուլյացիան կենսական շահերի գիջում է, որը իշխանությունն անվանում է «միակ հնարավոր լուծում»: Բայց Ղարաբաղի ինքնորոշման իրավունքից հրաժարվելը Հայաստանը կորսի զգուշացում, որը պարտավոր կլինի անընդհատ ինչ-որ բան գիջել»,- նշեց Ռուստամյանը:

«Հանրությունը չի գիտակցում ինչ է սպասվում Ղարաբաղի ինքնորոշման իրավունքից հրաժարվելու դեպքում, ուստի պետք է հրաժարվել իշխանության եւ ընդհանրության միջեւ պարզունակ պայքարից»,- հավելեց Ռուստամյանը:

Նա վստահ է, որ Հայաստանը միշտ արտաքին խաղաղողներին հետաքրքրել է

երեք գործոնով՝ Ղարաբաղով, Սյունիքով եւ ԱԷԿ-ով: Դեռ 1996-ին Հայաստանի վրա ճնշում է եղել Նշաճողն իջեցնելու, եւ զուգահեռ ճնշում է եղել նաեւ հակառակ կողմի վրա: Այս հարցին երե՛լ՝ «Հայաստանի իրական օրակարգ» թեմայով քննարկման ժամանակ, անդադարձել է փաստաբան Արամ Օրբելյանը:

Նրա խոսքով՝ բնակչությունների ժամանակ երկու կողմին էլ փորձում են համոզել, որ Նշաճողն իջեցնել, որ համաձայնություն կայանա. «Հիմա մեզ ասում են՝ իջեցրե՛ք Նշաճողը: Եթե մենք ամեն անգամ, երբ մեզնից մի բան են ուզում, տանք, Հայաստան չի մնա, կամ Հայաստան շատ վաղուց մնացած չէր լինի: Միջազգային հարաբերություններում միշտ էլ դիմացինը մի բան ուզում է: Հիմա եթե վաղը միջազգային հանրությունը մեզ ստիպի, որ Սյունիքի կետը տանք Ադրբեյջանին, եթե մենք գնում, ասում ենք՝ Ադրբեյջանը սենց բան արեց, վայ, բա ի՞նչ ենք անելու, հետո վերցնում ենք այդ փաստարկը օգտագործում ենք ներքին օպոնենտների դեմ, ամեն անգամ կրկնում ենք ադրբեյջանական թեզերը եւ ամեն ինչ անում ենք, որ դա լինի, պարզ է, որ պարտվելու ենք»,- ասաց նա:

ԽԱՂԱՂ ՉԷ

ՀԱՅՏԱՐԱՐՈՒԹՅՈՒՆԻՑ ԵՐԿՈՒ ՏԱՐԻ ԱՆՑ

ՓԱԽՍՏԱԿԱՆՆԵՐԸ ՀՀ-ՈՒՄ

ՀՀ տարածքային կառավարման եւ ենթակառուցվածքների նախարարության միգրացիոն ծառայությունը նոր նախագիծ է մշակել: ArmLur.am-ը տեղեկացավ, որ նախագծի ընդունման դեպքում հստակ սահմանված կլինեն Հայաստանի Հանրապետությունում փախստական ճանաչված անձանց կացարանով ապահովման մեխանիզմները եւ միջոցները:

Բանն այն է, որ ՀՀ-ում ապաստան հայցող անձանց թիվը տարեկան միջինում կազմում է շուրջ 270 անձ: Այդ թիվն առանձին տարիներին, տարածաշրջանում առկա հակամարտություններով պայմանավորված, աճում է: Այսպես, սիրիական ճգնաժամի հետեւանքով 2012թ.-ին ՀՀ-ում ապաստան հայցող անձանց թիվը հասել է 579-ի, իսկ 2013-ին՝ 320-ի: Ավստրալիայում տեղի ունեցող իրադարձությունների հետեւանքով: 2022թ. առաջին 6 ամիսների ընթացքում արդեն Հայաստանի Հանրապետությունում ապաստանի հայց են ներկայացրել 320 անձինք, որոնցից 213-ը Ուկրաինայի քաղաքացիներ են: ՀՀ-ում տարեկան միջին հաշվով փախստական են ճանաչվում եւ ապաստան են ստանում շուրջ 150 անձինք:

Հայաստանի Հանրապետությունում ապաստան ստացած եւ փախստական ճանաչված անձանց կացարանի խնդիրը մասամբ լուծվում է Հայաստանի Հանրապետության տարածքային կառավարման եւ ենթակառուցվածքների նախարարության միգրացիոն ծառայության «Հանրակացարաններ» պետական ոչ առեւտրային կազմակերպության սպասարկման ենթակա սոցիալական տներում (այսուհետ՝ Սոցիալական տներ) նրանց ժամանակավոր կացարան տրամադրելու միջոցով: Սոցիալական տներում իրատեսական է բնակեցնել նշված 150 անձանց մեկ երրորդին, իսկ մնացած 100 անձի (շուրջ 40 ընտանիք) համար կացարանով ապահովումը հնարավոր է իրականացնել բնակարանի վարձակալության փոխհատուցման միջոցով:

ԾՆՎԱԾՆԵՐԻ ԹԻՎԸ

Հայաստանում այս տարվա հունվար-սեպտեմբեր ամիսներին ծնվածների թիվը պակասել է: ArmLur.am-ը տեղեկացավ, որ մեր հանրապետությունում եթե 2020 թվականի հունվար եւ սեպտեմբեր ամիսներին ծնվածների թիվը կազմել է 20 հազար 558, 2021-ի նույն ժամանակահատվածում՝ 26 հազար 847, ապա այս տարվա նույն ժամանակահատվածում այն պակասել է՝ դառնալով 26 հազար 511:

Ի դեպ, ArmLur.am-ը տեղեկացավ, որ Հայաստանում ծնված աղջիկների թիվը բավականին պակաս է տղաների թվից: Օրինակ՝ այս տարվա 9 ամիսներին մեր հանրապետությունում ծնվել է 12 հազար 538 աղջիկ, իսկ ծնված տղաների թիվը կազմում է 13 հազար 973՝ 1436-ով ավելի:

Նոյեմբերի 9-ի եռակողմ հայտարարությունից երկու ամիս խաղաղ չէ ո՛չ Արցախում, ո՛չ Հայաստանում, լինում են մարդկային կորուստներ:

Չնայած երկու տարի առաջ՝ նոյեմբերի 9-ին, Ռուսաստանի միջնորդությամբ Հայաստանն ու Ադրբեջանը հայտարարությամբ պարտավորվեցին դադարեցնել ռազմական գործողությունները եւ կանգ առնել զբաղեցրած դիրքերում, Ադրբեջանը անցած երկու տարում միայն Հայաստանից արդեն շուրջ 130 քառակուսի կիլոմետր տարածք է օկուպացրել:

Վերջին լայնածավալ հարձակումը սեպտեմբերի 13 -ին էր, երբ ադրբեջանական բանակը երեք ուղղություններով ներխուժեց Հայաստանի ինքիշխան տարածք՝ օկուպացնելով Սյունիքի, Գեղարքունիքի եւ Վայոց ձորի մարզերի մի շարք հատվածներ:

Ադրբեջանական զինուժն այսօր Ջերմուկից 4.5 կիլոմետր հեռավորության վրա է՝ նախկին 11 կիլոմետրի փոխարեն: Ջերմուկցիների պնդմամբ՝ ադրբեջանցի զինվորները շարունակում են մնալ քաղաքի մատուցներում եւ նկատելի են անգամ անզեն աչքով:

Ջինված ուժերի գլխավոր շտաբի փոխանցմամբ՝ ադրբեջանական զինուժը դիրքային առավելություններ է ձեռք բերել նաեւ Գեղարքունիքի մարզի Շորժաների ուղղությամբ:

Տարածքային կորուստներին զուգահեռ սեպտեմբերի 13-ի ադրբեջանական ագրեսիայի հետեւանքով միայն մեկ օրում շուրջ 210 հայ զինծառայող է զոհվել:

Ադրբեջանական զինուժը Հայաստանի ինքիշխան տարածքում իր առաջխաղացումը սկսել է դեռ 2021-ի մայիսից:

Ընդ որում՝ անցած երկու տարվա ընթացքում Ադրբեջանը օկուպացրել է ոչ միայն ինքիշխան Հայաստանի տարածքները, այլեւ այս տարվա մարտին ռուս խաղաղապահների ներկայությամբ ներխուժել է Արցախի Փառուխ գյուղ՝ գրավելով կարեւոր նշանակություն ունեցող Քարազուխ բարձունքի մի մասը:

ՕՐԿԱ ԽՃԱՆԿԱՐ

ԱՏԵԼՈՒԹՅԱՆ ԲԱՎԱՔԱԿԱՆՈՒԹՅՈՒՆ

Օկուպացված Շուշիում Ալիեյի հայտարարությունը հերթական անգամ լցված էր Հայաստանի եւ Արցախի դեմ ուժի կիրառման խոստովանություններով եւ սպառնալիքներով: Այս մասին իր սոցիալական կայքում գրել է Արցախի պետնախարարի խորհրդակցական Արտակ Բեգլարյանը՝ անդրադառնալով Ալիեյի հնչեցրած սպառնալիքներին:

«Ալիեյան ռեժիմը շարունակում է ցեղասպանության եւ ատելության քաղաքականությունը հայ ժողովրդի եւ հայոց պետականության նկատմամբ: Պետք է դադարեցնել այս քաղաքականությունը եւ կանխել նոր հանցագործությունները միջազգային իրավունքի եւ պարտավորությունների շրջաններում», - նշել է Բեգլարյանը:

ՈՒՂԻՂ ԲԱՆԱԿՑՈՒԹՅՈՒՆՆԵՐ

«ՆԱՏՕ-ն աջակցում է Հայաստանի եւ Ադրբեջանի միջեւ հարաբերությունների



Նոյեմբերի 9-ի եռակողմ հայտարարությամբ ամրագրված հրադադարը խախտելուց բացի, Ադրբեջանը դեռ չի կատարել նաեւ նույն հայտարարությամբ սահմանված՝ ռազմագերիներին վարադարձելու պահանջը: Ադրբեջանը հաստատել է, որ 44-օրյա պատերազմից հետո 33 հայ մնում է Բաքվի բանտերում, նրանց, սակայն, Բաքուն ռազմագերի չի համարում եւ հրաժարվում է վերադարձնել:

Պաշտպանության նախկին նախարար, ընդդիմադիր «Հայաստան» խմբակցության ղեկավար Սեյրան Օհանյանը երեկ մասնակցում էր քննարկման եւ հայտարարեց, որ Ադրբեջանը շահագրգռված չէ իրականացնել նոյեմբերի 9-ի հայտարարության կետերը, քանի որ արդեն իսկ, առանց մի կրակոցի, բազմաթիվ տարածքներ է ստացել:

«Ադրբեջանի ղեկավարությունն ամբողջությամբ այսօր փորձելու է չիրականացնել նոյեմբերի 9-ի փաստաթղթի կետերը, որովհետեւ ստացել է իր համար ամանակարեւորը՝ առանց որեւէ փամփուշտի, հետ եւ վերադարձրել Ակնայի, Քաջաթաղի, Քարվաճառի, նաեւ Բերձորի այդ միջանցքի որոշ հատվածներ: Նա հիմա պայքարում է հետագա կետերի իրականացման համար. խոսքը վերաբերում է ճանապարհների բացմանը, ընդ որում՝ պնդելով որպես «Ջանգեզուրի միջանցքի» բացում, եւ դրա համար ինքը շահարկումներ է անելու նույն նոյեմբերի 9-ի փաստաթղթի կետերից, ասենք՝ գերիների վերադարձը՝ յուրաքանչյուր անձնավորության վերադարձի համար ինչ-որ շահի ստանալով Հայաստանի Հանրապետությունից», - ասաց Օհանյանը:

Ն.Գ.

կարգավորմանը», - սոցիալական ցանցում գրել է ՆԱՏՕ-ի Կովկասի եւ Կենտրոնական Ասիայի գծով հատուկ ներկայացուցիչ Խավիեր Կոլոմիան:

«Ուրախալի է տեսնել, որ Հայաստանի եւ Ադրբեջանի արտաքին գործերի նախարարներ Արարատ Միրզոյանը եւ Ջեյհուն Բայրամովը նորից մասնակցում են ուղիղ բանակցություններին: ՆԱՏՕ-ն սատարում է Հայաստանի եւ Ադրբեջանի միջեւ հարաբերությունների կարգավորմանը, ինչը կարեւոր նշանակություն ունի Հարավային Կովկասի կայունության եւ բարգավաճման համար, եւ ողջունում է ԱՄՆ-ի ջանքերն այս ուղղությամբ», - նշել է նա:

ՓԵԼՈՍՔԻ ՎԵՐԸՆՏՐՎԵԼ Է

ԱՄՆ Կոնգրեսի միջանկյալ ընտրությունների արդյունքներով Նեոսի Փելոսին վերընտրվել է Ներկայացուցիչների պալատի խոսնակի պաշտոնում: 82-ամյա Փելոսին «Դեմոկրատական կուսակցության ամենահայտնի դեմքերից մեկն» է եւ

«հանրապետականների անհաշտ հակառակորդը»:

Ընտրությունների արդյունքների հրապարակումից հետո Փելոսին հանդես է եկել հայտարարությամբ: «Թեեւ բազմաթիվ ընտրաքաղաքական ընթացքներ են համահավասար տեմպերով, բայց արդեն պարզ է, որ պալատում դեմոկրատական ներկայացուցիչների եւ թեկնածուների արդյունքները վստահորեն գերազանցում են սպասումներն ամբողջ երկրում», - ասվում է Փելոսիի հայտարարության մեջ:

Ի ՆՃԱՆ ՀԱՄԵՐԱՇԽՈՒԹՅԱՆ

Նոյեմբերի 7-ին Ստրասբուրգի քաղաքային խորհուրդն ընդունել է Ադրբեջանի ագրեսիայի պայմաններում Հայաստանին աջակցելու առաջարկը:

«Ի նշան համերաշխության՝ Ստրասբուրգ քաղաքը կբարձրացնի Հայաստանի դրոշը քաղաքապետարանի եւ վարչական կենտրոնի առջեւ», - գրված է Եվրոպայի խորհրդում Հայաստանի մշտական ներկայացուցչության սոցիալական ցանցում:

ԻՐԱՎԱԿԱՆ

ԻՆՉ ՓՈՒԼՈՒՄ Է

ԱՂԱԿԱՆԱՐՈՒՅՑ ԶԱՅՆԱԳՐՈՒԹՅԱՆ ԳՈՐԾԸ

Ինչպես հայտնի է, ՀՀ բննական կոմիտեում Ա. Վարդապարտյանի կողմից հրադարակված աղմակահարույց ձայնագրության կադրերը, ՀՀ քրեական օրենսգրքի 441-րդ հոդվածի 1-ին մասով եւ 486-րդ հոդվածի 2-րդ մասի 2-րդ կետով, նախաձեռնվել է քրեական վարույթ, որի օրջանակներում հարցաքննվել են ԲԳԽ նախկին նախագահ Պարոն Գ. Ջահանգիրյանը վկայի դատարանական կարգավիճակով, ԲԳԽ նախկին նախագահ Ռուբեն Վարդապարտյանը, ԲԳԽ անդամ Ստեփան Միքայելյանը: Մինչ օրս քրեական վարույթով Ռուբեն Վարդապարտյանը սուտող չի ճանաչվել, եւ դեռ ավելին՝ գործով մինչ օրս չկա մեղադրյալ:



Ինչո՞ւ է լռում նախաքննական մարմինը: Հիշեցնենք, որ, ՀՀ բարձրագույն դատական խորհրդի նախկին նախագահ Ռուբեն Վարդապարտյանի կողմից հրապարակված ձայնագրության հիման վրա, Գագիկ Ջահանգիրյանի դեմ նախաձեռնվել է քրեական վարույթ:

Այդ աղմակահարույց ձայնագրությունից ու Գագիկ Ջահանգիրյանի առավել անհասկանալի հարցազրույցից օրեր անց հայտարարվեց, թե վերջինս ունի առողջական խնդիրներ, եւ առողջական խնդիրների քողի ներքո հրաժարական տվեց ԲԳԽ-ի համար նոր խառնաշփոթ առաջացնելով:

Աղմակահարույց ձայնագրության մասին գրուցել ենք Ռուբեն Վարդապարտյանի փաստաբան Յուլիաննա Խուրդյանի հետ:

-Ես պարոն Վարդապարտյանի հետ մասնակցել եմ հարցաքննությանը, որի մասին հրապարակել եք, եւ դրանից հետո ոչ մի գործողության չենք մասնակցել եւ չենք տեղեկացվել: Առերեսումներ չեն եղել, որը ենթադրում եմ պետք է լիներ: Նման ենթատեքստով բողոքները պահանջում են առերեսումներ, սակայն նորից եմ կրկնում՝ նման առերեսումներ դեռ չեն եղել, եւ նման խոսակցություններ դեռ չկան: Չեմ կարող անգամ ասել՝ արդյոք պարոն Վարդապարտյանը պետք է տուժողի կարգավիճակ ունենա այս գործով, թե ոչ: Գիտեմ, որ քրեական գործը ընթացքի մեջ է, սակայն որեւէ տեղեկատվություն չունենք ընթացքի մասին. մի քանի անգամ խոսել եմ քննիչի հետ, բայց ոչ մի հստակ խոսք չկա:

վություն չունենք ընթացքի մասին. մի քանի անգամ խոսել եմ քննիչի հետ, բայց ոչ մի հստակ խոսք չկա:

-Այսինքն՝ առերեսում չկա, վկաները հարցաքննվեցին ու վերջ:

-Սպասում ենք իրենց ընթացքին, այսինքն՝ հստակ ոչինչ չկա:

-Իսկ քննիչը ի՞նչ է ասել Ձեզ:

-Որ դեռեւս գործը քննության փուլում է, իսկ պարոն Վարդապարտյանի մասնակցությամբ առայժմ գործողություն չկա անելու:

-Պարոն Վարդապարտյանից պահանջել էին ձայնագրության ամբողջական տարբերակը եւ այս պահով ստացել էին համապատասխան մերժում. ո՞րն էր նրանց նպատակը:

-Այդ ամենը իր դիրքորոշումն է՝ ինչպես մյուս վարույթների շրջանակում, այնպես

էլ այս վարույթով չներկայացնել ձայնագրությունը, քանի որ այնտեղ պարունակում է տվյալներ շատ ուրիշ անձանց վերաբերյալ, եւ դրանք ոչ իրավական են, եւ նա չի ցանկացել՝ դա հրապարակվի:

-Ձեր կարծիքով՝ արդյոք նախաքննական մարմինը կունենա՞ համարձակություն՝ Բարձրագույն խորհրդի նախկին նախագահին մեղադրելու մեղադրանք:

-Այդ հարցը պետք է ուղղել իրենց: Ես պատասխանել չեմ կարող:

-Ռուբ սպասելիքներ ունե՞ք:

-Որպես իրավաբան, այո, ակնկալիք ունեմ, քանի որ հիմքերը տեսնում եմ: Արդյոք իրենք կանեն, թե ոչ՝ դա իրենց տիրույթն է:

ՔԱՆՈՒՄԱՆՈՒԿԱՆ

ԼՈՒՐԵՐ

ԳՈՂՈՒԹՅԱՆ ՓՈՐՁ

Ոստիկանության Աշտարակի բաժնի քրեական հետախույզները, օպերատիվ տվյալներն իրացնելով, Երեւան քաղաքի Խորենացու փողոցում հայտնաբերել, գողություն կատարելու կասկածանքով ձերբակալել եւ բաժին են տեղափոխել Արարատի մարզի Խաչատրյանի 37-ամյա մի բնակիչի՝ իր վրած «ԲՄՎ X5»-ով, եւ Երեւանի 36-ամյա մի բնակիչի: Նրանց անձնական խուզարկությամբ հայտնաբերվել են փող, ժամացույց, ոսկյա մատանի եւ ականջօղեր՝ գնապիտակներով, ու բջջալին հեռախոսներ:

Ձեռնարկված միջոցառումների արդյունքում պարզվել է նաեւ, որ նրանք նույնների 4-ի ժամը 14.00-ի սահմաններում փորձել էին գողություն անել Կոտայքի մարզի Պոռչյան համայնքի ռեստորանային համալիրներից մեկի մոտ կայանված «ՎԱԶ» մակնիշի մեքենայի սրահից եւ էջ-միածին քաղաքի Մաշտոցի փողոցի եկե-

ղեցու ավտոկայանատեղում կայանված «ՎԱԶ-2115»-ի սրահից, սակայն իրենց կամքից անկախ հանգամանքներում հանցագործությունն ավարտին չեն հասցրել: Իսկ խուզարկությամբ հայտնաբերված ոսկյա գարդերը գողացել էին եկեղեցու ավտոկայանատեղում կայանված «Մազդայի» սրահից: Հանգամանքները պարզվում են:

Տղամարդիկ, կազմված փաստաթղթերը եւ գողոնը ներկայացվել են Արմավիրի մարզային քննչական վարչություն:

ՎՐԱԵՐԹ

Նոյեմբերի 8-ին՝ ժամը 21:25-ին, քաղաքացուց հաղորդում է ստացվել, որ Արցախի մայրաքաղաք Ստեփանակերտի Վ. Մամիկոնյան եւ Շիրվանզադե փողոցների խաչմերուկում վրատրթ է տեղի ունեցել:

ԱՅ ներքին գործերի նախարարության ոստիկանության փոխանցմամբ՝ դեպքի վայր մեկնած ոստիկանության ծառայող-

ները պարզել են, որ նույն օրը՝ ժամը 21:20-ի սահմաններում, դեպքով չպարզված անձը անհայտ ավտոմեքենայով նշված փողոցների խաչմերուկում վրատրթ է ենթարկել 42-ամյա Ա. Պետրոսյանին (հաշվառված է Ասկերանի շրջանի Ավետարանոց համայնքում), որը փակ գանգուղեղային վնասվածք, գլխուղեղի սալաքար, ձախ քունքային շրջանի գծային կտրվածք, սապերաքիտի թոքաբորբ պատրոշմամբ տեղափոխվել է հանրապետական բժշկական կենտրոն:

Պարզվել է, որ Ա. Պետրոսյանին վրատրթ է ենթարկել 29-ամյա Վ. Սարգսյանը (հաշվառված է Շուշի քաղաքում) «Նիսսան տիդա» ավտոմեքենայով:

Քաղաքացուն վրատրթի ենթարկելուց հետո վերջինս, թողնելով դեպքի վայրը, դիմել է փախուստի: Վ. Սարգսյանը բերման է ենթարկվել Ստեփանակերտ քաղաքի վարչություն: Նա գտնվում էր 0.719մգ/լ ոչ սթափ վիճակում: Ստուգմամբ զբաղվում է ոստիկանության Ստեփանակերտ քաղաքի վարչությունը:

ԼՈՒՐԵՐ

ՏՈՒԺԵԼ Է 8 ՔԱՂԱՔԱՑԻ

Երեւան-Սիսիան ավտոճանապարհին տեղի ունեցած վթարի հետեւանքով տուժել է 8 քաղաքացի. տեղեկացնում են ՀՀ առողջապահության նախարարությունից: Նրանցից 5-ը գտնվում են մարզային բժշկական կենտրոնի հսկողության տակ: Բժիշկները տուժածների առողջական վիճակը միջին ծանրության են գնահատում:

Վթարից մյուս 3 տուժածներին տեղափոխել են մայրաքաղաքի բժշկական կենտրոններ: Նրանցից մեկի վիճակը ծայրահեղ ծանր է գնահատվում, եւ տեղափոխումն իրականացվել է սանավիագիայի միջոցով:

ԱՆՉԱՓԱՆԱՆԵՐԻ ԳԻ

«Հիմա ոչինչ ասել չեմ կարող, քննությունը կպարզի. ես այնքան եմ տեղեկացված այս պահին, որքան Դուք», - ArmLur.am-ի հետ զրույցում ասաց Շիրակի մարզի Պեմզաշեն համայնքի դեկան Օնիկ Ոսկանյանը:

«Լսել ենք, որ ծակող-կտրող գործիքներով հարվածներ են ստացել, բայց հաստատ ոչինչ ասել չեմ կարող, ավել մանրամասների չեմ տիրապետում», - նշեց մեր զրուցակիցը:

Նշենք, որ քիչ առաջ հայտնի դարձավ, որ Շիրակի մարզի Պեմզաշեն համայնքի տներից մեկում երեկ հայտնաբերվել է 31-ամյա կնոջ եւ երկու անչափահաս երեխայի դի:

«Ոստիկանությունը ժամը 13:45-ին ահազանգ է ստացել, որ 911 ծառայությունից հաղորդում են ստացել, որ Պեմզաշեն գյուղում կա փակ դուռ, մեկնել է օպերատիվ խումբ, նշված հասցեում հայտնաբերվել է 31-ամյա կնոջ եւ երկու անչափահաս երեխայի դի, եղել են նաեւ արևանման հետքեր: Այս պահին օպերատիվ քննչական խումբը դեպքի վայրում է, կատարվում են համապատասխան գործողություններ», - փոխանցեցին ոստիկանության հասարակայնության հետ կապի եւ լրատվության վարչությունից:

ԼԻՊԱ ԵՐԻԱԶՈՐՅԱՆ

ԹՈՒՆԱՎՈՐՎԱԾ ԸՆԵՐ

Օրերս տարբեր սոցիալական հարթակներում եւ ՋԼՄ-ներով հրապարակումներ էին եղել, որ Նոր Նորք վարչական շրջանում շների թունավորման դեպքեր են գրանցվել: Այս մասին հայտնում են ոստիկանությունից: Մամուլի հրապարակումներն ուսումնասիրվում էին ոստիկանության Նոր Նորքի բաժնում:

«Նոյեմբերի 9-ին ոստիկանության Նոր Նորքի բաժնի կոլեկտիվ դիմում է ստացվել, որ վերջին մեկ ամսվա ընթացքում 8-10 շուն այգում կերել են անհայտ նյութով լցված նրբերշիկ եւ սատկել են: Կազմված փաստաթղթերն ուղարկվել են նախաքննական մարմին», - նշվում է հայտարարության մեջ:

● Ըստ ոստիկանության տվյալների՝ նոյեմբերի 8-ից 9-ը Հայաստանի Հանրապետությունում բացահայտվել է հանցագործության 85 դեպք, որոնցից 3-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԱՆՕՐԻՆԱԿԱՆՈՒԹՅՈՒՆՆԵՐ Է ԱՆՈՒՄ

Պաշտպանության միջնակարգ դպրոցի տնօրեն Նաիրա Ղայթաբյանը նոր ուսումնական տարվա սկզբից՝ սեպտեմբերի 1-ից՝ ամեն օր՝ առավոտյան ժամը 9-ից, փակել է տվել դպրոցի դռները, եւ բոլոր ուշացած աշակերտները հնարավորություն չեն ունեցել մասնակցելու դասերին: Տավուշի մարզպետ Յայկ Ղալումյանին «ժողովուրդ» օրաթերթի անունից գրավոր հարցում են ուղարկել՝ հարցնելով՝ դպրոցի տնօրեն Ն. Ղայթաբյանի այդ գործողությունը օրինական է, թե անօրինական: Մարզպետի գրավոր պատասխանում նշված է, որ դպրոցի ծնող-խորհուրդների նախագահների առաջարկությունը հաշվի է առնվել, «Պաշտպանության միջնակարգ դպրոց» ՊՈԱԿ-ում առավոտյան ժամը 9:00-ին ժամանակավորապես փակվել է մուտքի դուռը մինչև 1-ին դասաժամի ավարտը, չի թույլատրվել աշակերտների մուտքը դպրոց, որոշումը կայացվել է մասնավորապես եւ ծնողական խորհուրդների նիստերում աշակերտների ուշացումները կանխելու եւ կարգապահությունը բարձրացնելու նպատակով: Պաշտպանության միջնակարգ դպրոցից հայտնում են, որ ուշացած, դպրոցի դռների փակ լինելու պատճառով առաջին դասաժամին չմասնակցած աշակերտներին դպրոցի տնօրինությունը համարում է ամբողջ օրը դասերից բացակայած: Պաշտպանության միջնակարգ դպրոցի ծնող-խորհուրդի անդամ Գոհար Ավարդյանը հայտնում է Պաշտպանության միջնակարգ դպրոցում կատարվող անթույլատրելի երեւույթների մասին. «ՀՀ տարածքում այդքան դպրոցներից կարող էք նշել այնպիսի մեկը, որտեղ բռնակցում են աշակերտների ազատությանը: Դրո՞ւմ դպրոցում են աշակերտները ջուր խմում գուցարակի ծորակից, որ կրթական հաստատությունում են աշակերտի առաջ դուռ փակում, որ դպրոցում են ուսուցչին ազատում աշխատանքից՝ պատճառաբանելով, թե թափուր հաստիք չկա, բայց ամիսներ անց նույն մասնագիտությամբ հեռակա սովորած այլ աշխատողի ընդունում աշխատանքի: Պատճառը հաստիք չլինելը չէ, այլ այն, որ աշխատողը ներկայիս տնօրենի համախոհը չի եղել ու չի ստարտել նրան տնօրենի ընտրության ժամանակ: Կարող եմ փաստել, որ այս ամենը գալիս է իրենց սեփական շահից: Երեխա էք կրթում, դաստիարակում, որ վաղը երբ գա աշխատանք խնդրի իր սեփական դպրոցից, հեռացնե՞ք»: Դպրոցական աշակերտին արձակուրդների ավարտից հետո՝ հոկտեմբերի 31-ին եւ դրանից հետո մնացած օրերին, Պաշտպանության միջնակարգ դպրոցի տնօրեն Նաիրա Ղայթաբյանը չի կարգադրել առավոտյան ժամը 9-ից փակել դպրոցի մուտքի դռները, սակայն նույնիսկ 8-ին Նաիրա Ղայթաբյանը կրկին կարգադրել է փակել դպրոցի դռները: Պաշտպանության միջնակարգ դպրոցից գանգահարել, բողոքել են Տավուշի մարզպետարանի կրթության, մշակույթի եւ սպորտի վարչություն, որից հետո Ն. Ղայթաբյանը դպրոցի մուտքի դռները բացել է տվել: Կարգապետ Նիկոլ Փաշինյանի հարսանիքի քավոր, Ն. Փաշինյանի որոշումով 2021թ. ապրիլի 8-ին Տավուշի մարզպետը նշանակված Յայկ Ղալումյանը աչք է փակում, նույնիսկ արդարացում է Պաշտպանության միջնակարգ դպրոցի տնօրեն Ն. Ղայթաբյանի կատարած ակնհայտ ապօրինությունը:

ՈՍԿՆ ՍՍՐԳՅԱՆ  
Տավուշ

ԵՐԹՈՒՂԻՆԵՐ

ՅՈՒՐԱՔԱՆՉՅՈՒՐ ԿՄ-Ի ՀԱՄԱՐ՝ ՖԻՔՍՎԱԾ ԳՈՒՄԱՐ

«Ավստրիայից սրահադուրսի մասին» ՀՀ օրենքում փոփոխություններ կարվեն: ArmLur.am-ը ճեղքվացավ, որ փոփոխություններով նորասկսվող և առկա վերանայելի կանոնավոր ուղեորափոխադրումների կազմակերպման գործընթացը կանոնակարգող դրույթները:

Առաջարկվում է գործող ընթացակարգերին զուգահեռ սահմանել ներհամայնքային երթուղիների սպասարկման կազմակերպման նոր ընթացակարգ, որը հնարավորություն կտա ներհամայնքային երթուղիները սպասարկող կազմակերպություններ ընտրել ոչ միայն մրցույթով, այլ նաեւ «Գնումների մասին» ՀՀ օրենքով սահմանված պահանջներին համապատասխան գնման ընթացակարգով:

Այս դեպքում գնման գործընթացի հարթուր կհամաձայնեցվի երթուղու մեկ կիլոմետրի սպասարկման համար ամենացածր արժեք ներկայացրած կազմակերպությունը՝ ի տարբերություն գործող կարգավորումներով սահմանված մեկ ուղեորի տեղափոխման արժեքի: Այսինքն՝ համայնքին մատուցվելու է սահմանված գնման գործընթացով նախատեսված պահանջներին համապատասխանող եւ պահանջված քանակի ավտոբուսներով սպասարկման ծառայություն, իսկ ծառայության վճարումը կատարվելու է տվյալ երթուղու յուրաքանչյուր կիլոմետրի սպասարկման համար:

Առաջարկվող կարգավորման արդյունքում ուղեորների վճարված փոխադրված ավտոբուսները ամբողջությամբ վճարվելու է համայնքի բյուջե, եւ փոխադրող կազմակերպությունը համայնքից ստանալու է իր ծառայության ֆիքսված գնման գործընթացի շրջանակներում սահմանված վճարը՝ անկախ փոխադրված ուղեորների քանակից: Հարկ է նշել, որ նման մոտեցում սահմանված է նաեւ համայնքի կողմից մատուցվող մյուս ծառայությունների համար:

Բացի այդ, առաջարկվում է վերանայել երթուղային ցանցերի համաձայնեցման եւ միասնական երթուղիների չվացուցակների ու ուղեգրերի փոփոխությունների կատարման գործընթացը, ինչպես նաեւ խոշորացված համայնքների տրանսպորտային սպասարկման գործընթացը համայնքի ղեկավարի դիմումի համաձայն լիազոր մարմնի կողմից միասնական երթուղային ցանցի շրջանակներում կազմակերպելու:



ղային ցանցի շրջանակներում կազմակերպելու հնարավորությունը:

Առաջարկվում է կանոնակարգել նաեւ 100 տոկոս համայնքային մասնակցությամբ կազմակերպությունների կողմից ներհամայնքային կանոնավոր ուղեորափոխադրումների սպասարկման գործընթացը, նաեւ փոփոխել եւ սահմանել, որ օպերատոր է հանդիսանում փոխադրումների իրականացման ծառայություններ մատուցող ցանկացած կազմակերպություն: Վերանայվում է «օպերատոր» հասկացությունը:

Այսինքն՝ ներհամայնքային փոխադրումներ իրականացնող օպերատորը, կնքվելով երկարաժամկետ պայմանագիր, հնարավորություն է ունենալու կատարել ներդրումներ ավտոբուսների ձեռքբերման համար, ինչպես նաեւ ստանալով յուրաքանչյուր կիլոմետրի համար ֆիքսված վճար՝ շահագրգիռ չի լինելու տեղափոխել թույլատրելի քանակից ավել ուղեորներ, կայանել կանգառից դուրս կամ կատարել այլ խախտումներ: Բացի այդ, տվյալ դեպքում համայնքի ավագանին հնարավորություն կստանա սահմանել արտոնություններ որոշ ուղեորների համար՝ ըստ սոցիալական խմբերի, ինչպես նաեւ սահմանելով փոխադրման վճարի չափը՝ ինքնուրույն որոշել այն բարձրացնել՝ հավասարեցնելով փոխադրող կազմակերպությանը վճարվող գումարի համար անհրաժեշտ չափին, թե հավաքագրելով ավելի փոքր չափով գումար՝ իր մյուս միջոցների հաշվին փոխադրողին վճարել ավելի մեծ չափով ծառայության վճար, այդպիսով սուբսիդավորել փոխադրման վճարի չափը:

ՆԱԽԻԱ ԳՈՎԱՆՆԻՍՅԱՆ

«ԵՐԵՎԱՆԻ ՄԱՆԿԱՆ ՏՈՒՆ»

ԱՐՉԱՆԱԳՐՎԵԼ ԵՆ ՀԻՄՆԱԽՆԴԻՐՆԵՐ

Մարզու իրավունքների դաշտային աշխատակազմի ներկայացուցիչները մեծադիմացկուն չհայտարարված այց են իրականացրել «Երեւանի մանկան տուն» դեռահաս ոչ առեւտրային կազմակերպություն: Հասուկ ուսումնասիրվել են երեխաների սոցիալական ներառման, ընթացիկների եւ հարազանների հետ հաղորդակցության, երեխայի լավագույն ծախսավորման հետ կապված հարցերը:

Այցի ընթացքում արձանագրվել են մի շարք հիմնական կետեր՝

- արձանագրվել են դեպքեր, երբ նույն ընտանիքի երեխաներից մեկի խնամքը կազմակերպվում է խնամատար ընտանիքում, իսկ մյուսինը՝ հաստատությունում, սակայն նրանց համար տեսակցություններ չեն կազմակերպվել: Արձանագրվել

են նաեւ դեպքեր, երբ հաստատության տարբեր տարիքային խմբերում խնամվում են քույր-եղբայր կամ ազգական երեխաներ, սակայն բավարար աշխատանքներ չեն իրականացվում նրանց ազգակցական կապի պահպանման ուղղությամբ,

- հագուստը, այդ թվում՝ ներքնագգեստը, անհատականացված չէ, ինչի պատճառով բացառված չէ, որ դրանք լվանալուց հետո նույն հագուստը կամ ներքնագգեստը կարող են կրել տարբեր երեխաներ,
- որոշ խմբասենյակներում սպասքի, օրինակ՝ բաժակների, այդ թվում՝ ծծակով շշերի անհատականացումն անընթաց է եղել, ինչը պատճառաբանվել է նրանով, որ ախտահանող լուծույթի պատճառով գրառումները մաքրվում են,
- որոշ խմբասենյակներում սպասքի ախտահանման համար նախատեսված

լուծույթով տարաները, էլեկտրական սարքերը դրված են եղել հատակին կամ երեխաների համար հասանելի բարձրության վրա, ինչը վտանգավոր է երեխաների անվտանգության տեսանկյունից,

- պետության կողմից երաշխավորված անվճար եւ արտոնյալ պայմաններով բժշկական օգնության ու սպասարկման ծրագրերի ֆինանսավորման սպառման հետեւանքով 2022 թվականի սեպտեմբերից ի վեր հնարավոր չի եղել իրականացնել մի շարք բժշկական հետազոտություններ, օրինակ՝ օրթոպեդիկ, ակնաբուժական ոլորտներում:

Մշտադիտարկման արդյունքներն ամփոփման փուլում են: Արձանագրված այս եւ այլ խնդիրները՝ լուծումների առաջարկներով, կուղարկվեն ՀՀ աշխատանքի եւ սոցիալական հարցերի նախարարություն:

● Անցած 1 օրվա ընթացքում Հայաստանի Հանրապետությունում արձանագրվել է 14 ՃՏՊ. 14 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ՆՈՐ ԱՌԱՋԱՐԿ

Team Telecom Armenia-ն, շարունակելով ընդլայնել իր առաջարկները...

Բաժանորդագրվելով ընկերության Cosmo եւ Combo փաթեթերից...

TCL 55" անկյունագծով Android TV-ի գլխավոր հատկանիշներն են...

Հեռուստացույցի համար տրամադրվելու է 1 տարվա երաշխիք...

2021 թվականին TCL-ի Android Smart TV-ն ճանաչվել է ամենավաճառվողը...

ԲՈՒԺԱՇԽԱՏՈՂՆԵՐԻ ԱՇԽԱՏԱՎԱՐՁԸ

Առողջության առաջնային պահպանման օղակում բուժաշխատողների աշխատավարձը 2023 թվականին կբարձրանա...

ՔՆՆԱՐԿՈՒՄՆԵՐ

ԳՐԱԿԱՆ ԵԶՐԱԿԱՑՈՒԹՅՈՒՆ Է ՄՏԱՑԵԼ

ՀՀ ԿԳՄՄ հասարակայնության հեկտորի եւ սեղեկագրության վարչությունից Armlur.am-ին հայցնեցին, որ ԱԺ գիտության, կրթության, մշակույթի, սպորտի, երիտասարդության եւ սպորտի հարցերի մշակման հանձնաժողովը...



«Վերոնշյալ իրավական ակտերի ընդունումից հետո կսահմանվեն նոր մասնագիտությունների ներդրման, հաստատությունների եւ դրանցում իրականացվող ծրագրերի տեղաբաշխման ռացիոնալացման, ընդունելության տեղերի բաշխման նոր մեխանիզմներ: Կարելի փոփոխություններից մեկը մանկավարժների մասնագիտական զարգացման եւ ատեստավորման համակարգերի ներդրումն է, որի նպատակն է բարելավել ոլորտում աշխատող մասնագետների վարձատրությունը՝ ապահովելով հավելավճարների կայուն մեխանիզմներ»,- նշել է Ժաննա Անդրեասյանը:

վում է նաեւ ներդնել տրանսպարտային ծախսերի փոխհատուցման մեխանիզմ ուսանողների եւ դասախոսների համար: Ժաննա Անդրեասյանը, անդրադառնալով օրենքի նախագծում առաջարկվող փոփոխություններին եւ լրացումներին, նշել է, որ քվեաշեղքը եւ ուսումնարանները, բացի ՊՈԱԿ-ից, կարող են ունենալ նաեւ օրենսդրությամբ նախատեսված կազմակերպչական կազմակերպչական այլ ձեւ: Ըստ նրա՝ դրանով կատարվի իրավական հնարավորություն մասնավորի հետ համատեղ կառավարման մոդելների ամբողջական ներդրման համար: Փոփոխություններ կիրականացվեն նաեւ ուսումնական հաստատության ղեկավարման իրավունքին վերաբերող հավաստագրման ընթացակարգում: Նախագիծը ստացել է դրական եզրակացություն:

Հիմնական գեկուցող ԿԳՄՄ նախարարի տեղակալ Ժաննա Անդրեասյանի խոսքով՝ նախագծի ընդունման դեպքում կստեղծվի իրավական հիմք (լիազորող նորմ), որը հնարավորություն կընձեռնի ՀՀ կառավարությանը եւ կրթության պետական կառավարման լիազորված մարմին ընդունելու ՄԿՈՒ ոլորտը կարգավորող ենթաօրենսդրական իրավական ակտեր:

Ըստ նախարարի տեղակալի՝ առաջարկվում է ներդնել ատեստավորման եւ տարակարգերի մեխանիզմներ, որոնք հնարավորություն կտան փոխելու ՄԿՈՒ ոլորտում աշխատողների դրույքաչափը, ինչպես նաեւ սահմանելու հավելավճարներ: Այս փոփոխությունների ընդունմամբ նախնական եւ միջին մասնագիտական ուսումնական հաստատությունների շուրջ 7000 աշխատակցի համար կստեղծվեն մասնագիտական զարգացման եւ վարձատրության բարձրացմամբ փոխկապակցված գործուն մեխանիզմներ: Կսահմանվի նոր մասնագիտությունների ներդրման, հաստատությունների եւ դրանցում իրականացվող ծրագրերի տեղաբաշխման ռացիոնալացման, ընդունելության տեղերի բաշխման նոր մեթոդաբանություն, ինչպես նաեւ կներդրվեն վարձատրության մեխանիզմների բարելավման հետ փոխկապակցված մանկավարժների մասնագիտական զարգացման եւ ատեստավորման ճկուն համակարգեր:

ՍՊԻՏԱԿ

ՄԱՐԶԱԳՊՐՈՑԻ ԳԱՐԿԻՃԸ ՀԻՄՆԱՆՈՐՈՎՎԵԼ Է

ՀՀ ԿԳՄՄ հասարակայնության հեկտորի եւ սեղեկագրության վարչությունից Armlur.am-ին հայցնեցին, որ բնօրգամարտի աշխարհի գավաթակիր, աշխարհի առաջնության արծաթե մեդալակիր Անդրանիկ Հակոբյանի եւ նրա ընկերների ջանքերով հիմնադրվել է Սոցիալի մանկադասակական մարզադպրոցի բնօրգամարտի մարզադահլիճը:

Միջոցառման մեկնարկին մարզադպրոցի բակում տեղի է ունեցել արցախյան հերոսամարտում Սպիտակի տարածաշրջանից զոհված մարզիչ-մարզիկների հիշատակը հավերժացնող խաչքար-հուշարձանի օրհնության կարգ՝ ձեռամբ Սպիտակի Սուրբ Զարություն եկեղեցու հոգեւոր հովիվ Տեր Օվսե քահանա Զովհաննիսյանի:

ԿԳՄՄ նախարարի տեղակալ Կարեն Գիլոյանը, ողջունելով ներկաներին, կարեւորել է մասնավոր կառույցների եւ բարերարների օժանդակությամբ իրականացվող աշխատանքները:

«Մարզադահլիճի բացումը երկու խորհուրդ ունի՝ հարգել այն մարզկանց հիշատակը, որոնք ամեն ինչ արել են՝ հանուն հայրենիքի, եւ մեկնարկը տալ մի մարզադպրոցի, որտեղ կկուսվեն շատ մանուկներ: ՀՀ կառավարությունը սպորտի ոլորտում հսկայածավալ շինարարություն է իրականացնում. կառուցվում են նոր մարզական դպրոցներ, համալիրներ: Որքան էլ պետությունն ահռելի միջոցներ է ներդնում, մասնավորի օժանդակությունը շատ կարեւոր է: Շնորհակալ եմ մեր անվանի բնօրգամարտիկ Անդրանիկ Զակոբյանին եւ նրա ընկերներին, որ այսպիսի ներդրում են կատարել հայկական սպորտում: Վերջերս բարերարների ջանքերով հիմնադրվեց նաեւ Նորայր Մուշեղյանի անվան ըմբշամարտի մարզադպրոցը: Սպորտում ներդրումներն անհրաժեշտ են առողջ սերունդ դաստիարակելու համար»,- նշել է Կարեն Գիլոյանը՝ գործարարներին հորդորելով աջակցել սպորտի ոլորտի պետական քաղաքականությանը՝ ներդրումներ կատարելով սպորտային ենթակառուցվածքների զարգացման ասպարեզում:

Հիմնովին վերանորոգված մարզադահլիճը հագեցվել է անհրաժեշտ մարզագույքով, տեղադրվել է պրոֆեսիոնալ ռինգ, որտեղ իրենց մարզումներն առավել արդյունավետ անցկացնելու հնարավորություն կունենան բազմաթիվ պատանիներ: Սպիտակ համայնքի ղեկավար Քաջայր Նիկողոսյանը շնորհակալագիր է հանձնել «Անդրանիկ Զակոբյան եւ ընկերներ» բարեգործական հիմնադրամին «Սպիտակի մանկապատանեկան մարզադպրոց» ՊՈԱԿ-ում բնօրգամարտի մարզադահլիճը հիմնովին վերանորոգելու համար:

«ժողովորդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԵՐԵՎԱՆՅԱՆ ՀԱՆՐԻՍԱՏԵՍ

ԲՈՒՌՆ ԾԱՓՈՂՋՈՒՅՆՆԵՐ՝ ՆԻԿՈՒԱՅ ԼՈՒԳԱՆՄԱԿԻՆ

«Երեւանյան հեռանկարներ» միջազգային երաժշտական 23-րդ փառատոնի ԵՐԶԱՆԱՅԱՆ ԵՐԱԺՇՏԱԿԱՆ ՓԱՌԱՏՈՆ



«Երեւանյան հեռանկարներ» միջազգային երաժշտական 23-րդ փառատոնի ԵՐԶԱՆԱՅԱՆ ԵՐԱԺՇՏԱԿԱՆ ՓԱՌԱՏՈՆ

Լեփ-լեցուն դահլիճը բուռն ծափահարություններով «բրավո», «բիս» վանկարկումներով մի քանի անգամ ստիպեց երաժիշտներին վերադառնալ բեմ, եւ Նիկոլայ Լուզանսկին արդեն առանց նվագախմբի նվագակցության հնչեցին Ֆրեդերիկ Շոպենի «Պաեմանտի կոնցերտ թիվ 2», Էլսոն Բեռլիոզի «Ֆանասիական սիմֆոնիա» սեսեդազոր-ծուրյունները:

Լեփ-լեցուն դահլիճը բուռն ծափահարություններով «բրավո», «բիս» վանկարկումներով մի քանի անգամ ստիպեց երաժիշտներին վերադառնալ բեմ, եւ Նիկոլայ Լուզանսկին արդեն առանց նվագախմբի նվագակցության հնչեցին Ֆրեդերիկ Շոպենի «Պաեմանտի կոնցերտ թիվ 2», Էլսոն Բեռլիոզի «Ֆանասիական սիմֆոնիա» սեսեդազոր-ծուրյունները:

Որպես դիրիժոր նա առաջին անգամ էր հանդես գալիս Երեւանում: Երաժիշտը խոստովանել էր, որ իրեն դուր է գալիս Հայաստանի ազգային ֆիլհարմոնիկ նվագախմբի հետ աշխատանքը, Նիկոլայ Լուզանսկիի հետ ելույթ ունենալը:

Ռուսաստանի ժողովրդական արտիստ, ՌԴ պետական մրցանակի դափնեկիր Նիկոլայ Լուզանսկին էլ շեշտել էր, որ բազմաթիվ հայ երաժիշտների հետ է համագործակցում եւ բարձր է գնահատում աշխարհահռչակ հայ կոմպոզիտորներին, մենակատարներին: «Արամ Խաչատրյանն իմ սիրած կոմպոզիտորներից է:

Զեմ կարող չհիշել նաեւ Բաբաջանյանին, Տերտերյանին, որոնց գործերը շատ հետաքրքիր են: Մոսկվայում շատ են հայ երաժիշտները, որոնց հետ աշխատում եմ: Նրանցից են թավջութակահար Նարեկ Հախնազարյանը, Սերգեյ Բաբայանը, որը ֆանտաստիկ դաշնակահար է», - ընդգծել էր Լուզանսկին:

Նա պատմել էր, որ իր ծնողները երաժիշտներ չեն, սակայն շատ են սիրել երաժշտություն: Ուստանովսկի լեգենդի համաձայն՝ երիտասարդ տարիքում Լուզանսկիի մայրը դաշնակահարի հորը հրավիրել է Մոսկվայի մեծ թատրոն՝ ունկնդրելու Վերդիի «Տրավիատա» օպե-

րան: Դաշնակահարի հոր ամենասիրելի օպերան հենց «Տրավիատա»-ն է եղել, եւ նրան այնքան է տպավորել այն հանգամանքը, որ երիտասարդ աղջիկն իրեն հրավիրել է դիտելու այդ օպերան, որ որոշ ժամանակ անց նրան ամուսնության առաջարկություն է արել: «Ինքս դժվարանում եմ ասել, թե որ ստեղծագործությունն է ինձ շատ ոգեւորել ու կարեւոր որոշումներ կայացնելու առիթ տվել, սակայն հիշում եմ, որ իմ կյանքում կար մի շրջան, երբ ընկճված էի: Հենց այդ ընթացքում ունկնդրում էի Սիբելիուսի 7-րդ սիմֆոնիան, ինչն ինձ երջանակացնում էր», - խոստովանել էր դաշնակահարը:

ԼՈՒՐԵՐ

ԿԱՐԵՎՈՐ ՀԱՋՈՂՈՒԹՅՈՒՆ

«Նապոլիի» իտալացի գլխավոր մարզիչ Լուչանո Սպալետին մեկնաբանել է 2:0 հաշվով հաղթանակն «Էմպոլիի» նկատմամբ Իտալիայի առաջնության 14-րդ տուրի տնային խաղում: «Նապոլին» 38 միավորով առաջատարն է եւ երկրորդ տեղում գտնվող «Միլանից» առաջ է 8 միավոր: «Հասանք կարեւոր հաջողության, բայց Իտալիայի առաջնությունը շատ երկար է: Ուրախ եմ, որ մեր թիմի ֆուտբոլը գովում են եւ համարում գերազանց, բայց այդ կարծիքները պետք է չազդեն մեզ վրա: «Նապոլիի» հեռանկարներն ու երազանքները շատ հստակ են: Այս երեք միավորը մեզ կօգնեն համարձակ գնալ առաջ: Չեմպիոնության հավակնորդները նախկինի նման յոթն են: Ոչինչ չի փոխվում», - ասել է Սպալետին: Աշխարհի առաջնությունից առաջ վերջին հանդիպումը «Նապոլին» կանցկացնի Նոյեմբերի 12-ին՝ ընդունելով «Ուդինեզեին»: Իտալիայի առաջնությունը կվերսկսվի հունվարի 4-ին:

ԳԱԳԱՐԻ ԵՆ ԳՆՈՒՄ

«Բարսելոնայի» գլխավոր մարզիչ Զավին մեկնաբանել է 2:1 հաշվով կամային հաղթանակը «Օսասունայի» նկատմամբ Իսպանիայի առաջնության 14-րդ տուրի արտագնա խաղում: 31-րդ րոպեին երկրորդ դեղին քարտի համար հեռացվել էր կատալոնական թիմի լեհ հարձակվող Ռոբերտ Լեանդովսկին 0:1 հաշվի ժամանակ: Երկրորդ խաղակետում Պեդրիի եւ Ռաֆինյայի գուլերը հաղթանակ բերեցին «Բարսելոնային»: «Շատ եմ հպարտանում մեր թիմով: Մեր հանդերձարանում ընտանիք է: Ամեն ինչ մեզ դեմ էր՝ մրցավարի որոշումները, բաց թողած գոլը, 10 ֆուտբոլիստով մնալը, բայց մենք շատ խելացի խաղացինք եւ շատ լավ օգտագործեցինք մեր պահերը: Սա ոսկե հաղթանակ է, դադարի ենք գնում առաջատարի դիրքում: Սա ամբողջ թիմի հաղթանակն է», - ասել է Զավին: «Բարսելոնան» 37 միավորով գլխավորում է մրցաշարային աղյուսակը եւ 5 միավոր առաջ է երկրորդ տեղում գտնվող «Ռեալից», որը 1 խաղ քիչ է անցկացրել: Արքայական թիմը Նոյեմբերի 10-ին կընդունի «Կադիսին»: Իսպանիայի առաջնությունը աշխարհի առաջնությունից հետո կվերսկսվի դեկտեմբերի 31-ին:

ԼԱՎԱԳՈՒՅՆ ՄԱՐԶԻՉԸ

Իսպանիայի չեմպիոն եւ Չեմպիոնների լիգայի գավաթակիր Մադրիդի «Ռեալի» նախագահ Ֆլորենտինո Պերեսը դրվատանքով է խոսել թիմի իտալացի գլխավոր մարզիչ Կառլո Անչելոտիի մասին: «Անչելոտին լավագույն մարզիչն է «Ռեալի» համար: Նա կատարյալ է հասկանում մեր արժեքներն ու գաղափարները: Դրա շնորհիվ խաղացողները զգում են նույնը: Մենք հրաշալի հարաբերություններ ունենք, նա կատարյալ մարզիչ է մեր ակումբի համար», - ասել է Պերեսը: Անչելոտին «Ռեալը» երկրորդ անգամ գլխավորեց անցած տարվա հունիսին: Թիմը նվաճեց Իսպանիայի չեմպիոնի տիտղոսը (2022), Չեմպիոնների լիգայի գավաթը (2022), Եվրոպայի սուպերգավաթը (2022):

ԼՈՒՐԵՐ

ԱՐՑԱՆԻ ԽՈՐՀՐԳԱՆԻՇԵՐԻՑ

«Մենք ենք մեր սարերը» արձանը, որը կառուցվել է 1967 թվականին, հասարակության շրջանում հայտնի է որպես «Պապիկ, տատիկ», իսկ արցախի բարբառով՝ «Ռեդո, բաբո»:

Արձանի քանդակագործը Սարգիս Բաղդասարյանն է, իսկ ճարտարապետը՝ Յուրի Հակոբյանը: Քանդակը պատրաստված է կարմիր տուֆից: Այն խորհրդանշում է արցախյան հողի եւ ժողովրդի արմատների միջեւ արյունակցական կապը:

Հուշարձանը ներկայացնում է հասուն տարիքի արցախցի ամուսինների՝ հայկական տարազով: Այն տեղակայված է բլրի գագաթին, կարծես այն ճեղքել եւ դուրս է եկել:

Հուշարձանը կանգնեցնելու մտահղացումը եղել է Լեռնային Ղարաբաղի մարզ-խորհրդի գործկոմի նախագահ Մուշեղ Օհանջանյանինը, ինչին, սակայն, դեմ է եղել խորհրդային Ադրբեջանի ղեկավարությունը:

Կոթողի պատկերով նաեւ ՀՀ հուշարձան է հայտնվել:



ՆՈՐ ՖԻԼՄ ԶԱՐԻ ՓՈԹԵՐԻ ՄԱՍԻՆ

Warner Bros. Discovery ընկերության գործադիր տնօրեն Ղեվիդ Զաւլաւը ներդրողներին հայտնել է, որ ձգտում է Հարի Փոթերի մասին ավելի շատ ֆիլմեր թողարկել, եթե բրիտանացի գրող, Փոթերի մասին գրքերի հեղինակ Ջոան Ռոուլինգը տա իր համաձայնությունը. հաղորդում է The Hollywood Reporter-ը: «Մենք Հարի Փոթերին չենք նկարել արդեն 15 տարի:

DC-ի ֆիլմերը եւ ֆիլմերը Հարի Փոթերի մասին վերջին 25 տարում մեծ եկամուտներ են բերել Warner Bros.-ին», - ասել է Զաւլաւը՝ նշելով, որ դրա համար պարտադիր է Ռոուլինգի համաձայնությունը: Հարի Փոթերի մասին պատմող յոթ գրքերը լույս են տեսել 1997-2007 թվականներին՝ համաշխարհային հռչակ բերելով Ռոուլինգին: Շուրջ 80 լեզվով թարգմանված գրքերը տպագրվել են ավելի քան 500 միլիոն օրինակով: Գրքերի հիման վրա նկարահանվել է ութ ֆիլմ:

● Նոյեմբերի 12-ին Գյումրու «Հայթա» ռեստորան եւ մյուզիք հոլում տեղի կունենա «Menq Project» համերգը: Տոմսերի արժեքը՝ 4000, 5000 դրամ: Սկիզբը՝ ժամը 20:00-ին:



Էջը՝ ՈՂՋԱ ՊՈՂՈՍՅԱՆԻ

**ՖԻՆԱՆՍՆԵՐ**

**ՀԱՐՑ. Ո՞վքեր կարող են մասնակցել ներքին աուդիտի որակավորման ֆնուբյուրներին:**  
*Ջուլիետա Խարազյան (31 տարեկան)*



**ՊԱՏԱՍԽԱՆ.** ՀՀ կառավարության 2014 թվականի փետրվարի 13-ի N 176-Ն որոշման պահանջների համաձայն՝ ներքին աուդիտորների որակավորման նպատակով անցկացվող քննություններին (այսուհետ՝ քննություն) կարող են մասնակցել բարձրագույն կրթություն ունեցող այն քաղաքացիները,

- 1) որոնք դատական կարգով չեն ճանաչվել անգործունակ կամ սահմանափակ գործունակ,
- 2) որոնք չունեն դիտավորությամբ կատարված հանցագործությունների համար դատվածություն,
- 3) որոնք դատական կարգով չեն զրկվել ֆինանսատնտեսական հարաբերությունների իրականացման բնագավառում պաշտոն զբաղեցնելու կամ գործունեությամբ զբաղվելու իրավունքից,
- 4) ում քննությանը մասնակցելու համար լիազոր մարմին նախորդ 3 տարվա ընթացքում ներկայացված դիմումը չի մերժվել լիազոր մարմնի կողմից՝ պահանջվող փաստաթղթերում կեղծ եւ (կամ) անարժանահավատ տեղեկատվություն ներկայացնելու հիմքերով:

**ՀՀ ֆինանսների նախարարություն**

**«ԺՈՂՎՈՒՐԳ».** Քննությանը մասնակցելու համար անհրաժեշտ է առձեռն, փոստով (էլ. փոստ՝ secretariat@minfin.am) կամ էլեկտրոնային եղանակով (էլեկտրոնային համակարգի միջոցով փաստաթղթերը ներկայացվում են Հայաստանի Հանրապետության կառավարության 2010 թվականի սեպտեմբերի 24-ի N 1283-Ն որոշմամբ սահմանված կարգով) լիազոր մարմին ներկայացնել՝

- դիմում,
- անձնագրի եւ սոցիալական քարտի կամ նույնականացման քարտի պատճենը,
- բարձրագույն կրթության դիպլոմի պատճենը,
- հայտարարություն:

**ՍՈՑԻԱԼԱԿԱՆ**

**ՀԱՐՑ. Օտարերկրյա ֆաղափացին կարո՞ղ է Հայաստանի Հանրապետությունում հաշվառվել որդեսանհաս ձեռնարկաւեր:**  
*Ռիտա Պողոսյան (25 տարեկան)*



**ՊԱՏԱՍԽԱՆ.** «Կազմակերպություններին եւ ֆիզիկական անձանց հարկային հաշվառման վերցնելու եւ հարկային հաշվառումից հանելու մասին» ՀՀ օրենքը /3-րդ հոդված/ տարածվում է անհատ ձեռնարկատեր չհանդիսացող՝ Հայաստանի Հանրապետության եւ օտարերկրյա քաղաքացիների, քաղաքացիություն չունեցող անձանց վրա:

**ՀՀ պետական եկամուտների կոմիտե**

**«ԺՈՂՎՈՒՐԳ».** ԱՁ գրանցվելու համար անհրաժեշտ է հարկ վճարողի հաշվառման համարի տրամադրման համար դիմում, անձնագրի եւ սոցքարտի պատճենները, գունավոր լուսանկար՝ 3x4 չափի, պետական տուրքի անդորրագիր՝ 3000 դրամ՝ 900005160750 հաշվեհամարին:

**ԼՈՒՐ ԿԱԴՐ**

*Լուսանկարն արվել է Երեւանում*



Երեւանի-Վրթայան փողոցների խաչմերուկում բախվել են Երեւանի բնակիչներ, 41-ամյա Լուսինե Ղուկասյանի վարած Skoda մակնիշի եւ 52-ամյա Վիրաբ Ղազարյանի վարած Nissan X-trail մակնիշի ավտոմեքենաները: Վթարի հետեւանքով 1 հոգի մարմնական վնասվածքներ է ստացել:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել



«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը.  
«Շարունակությունը կարող եք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22՝/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 9.11.2022  
Պատկերը/Պատկերակազմը մատչ. է հարցնելու, 4 հավելումով 2021

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: